



# Tuhaqtidjutikhaq

## 10 nutaat aannialiqitut COVID-19 qalagjuarnirmik Nunavunmi

**Iqaluit, Nunavut (Hikutirvia 20, 2020)** - Ublumi, Nunavunmi attautimut 84-nguqtut naunaiqtaujut aannialiqitut COVID-19 qalagjuarnirmik. Atauhiq nutaaq aannialiqitut naunaiqtaujuq Arviani, nunangani imaatut amigaiqtut naunaiqtaujut aannialiqitut 58-nguqtut. Pingahut nutaat aannialiqitut naunaiqtaujut Tikirarjuarmi imaatut amigaiqtut attautimut 11 naunaiqtaujut aannialiqitut nunangani. Kangiqlinirmi siksiit aallatg aannialiqitut, nunangani attautimut aannialiqitut aigaiqtut imaatut 13. Aallangungittut amigaitilangit aanniaqtut Sanikiluarmillu.

"Naunaiqhimangittuq nunangani hiamitiriakhanik nunangini Sanikiluarmi, Kangiqlinirmi uvaniluuniit Tikirarjuarmi. Tikitpalliatitluta havangnailrumut, anginiqaqtuq Nunavummiut pulaaqtailinahuarlutik, inungnit un'ngahikhimalutik imaalu atihimalutik matukhamik ahianungaigaigumik iglumingnit. Tamarmik 84 inuit avalingaaqtut iglumingni imaalu naamaiaqtullu. Qaniklihimajunnik aanniaqtunut naunaijaqtauhimmaaqtut tamainni aktuqtauhimajuni nunallaani imaalu munariplugit tamaita inuit avalingaaqtitaujut," uqaqtuq Dr. Michael Patterson, Nunavunmi Atanilluaq Nunalaani Aanniaqtailinikkut Havaktiat.

Talvanga Hikutirvia 19, 119 qaujihaqtaujuq Sanikiluarmi naunaiqtaujut aanniarutiqangittut. Kangiqlinirmi, 110 qaujihaqtaudjutait uttiffaaqtut naunaiqtaujut aanniarutiqangittut. Arviani qaujihaqtaudjutait naunairutaujut 137 aanniarutiqangittut qaujihadjutait. Qaujihadjutait Tikirarjuarmi naunairutaujut 21 aanniarutiqangittut qaujihadjutait.

Kinaliqaak inuk ihumagumi aktuqhimanirmun COVID-19 qalagjuarnirmik hivajaqtukhat COVID hivajautaanut 1-888-975-8601 akkungani 10 ublaami unalu 6 mun. EST-kut ubluqhiutagut, imaaluniit tuhaqtinniaqtait nunamingni munaqhikuk qilamik, ahiit qilamiurlutik avalingarvikhamingnik aimavingmingni imaatut 14-ni ubluni. Munaqhiliaqtailutin upautihurlutillu.

Nutaanik naunaiqtakhanik atuqtakhaniklu talvuuna COVID-19 qalagjuarniq Nunavunmi, takulugu una:

